

Kunnskapsdepartementet  
Postmottak@kd.dep.no

Dykkar ref.: 200806678

Oslo, 26. februar 2009

## **Høyringsnotat om framlegget til endring i universitets- og høgskolelova**

Vi viser til høyringsbrevet datert 15.01.09.

Litteraturselskapet Det Norske Samlaget er glad for at departementet har kome med framlegget som vil klarleggje det ansvaret universitetet og høgskolane har for norske språk.

Regjeringa la våren 2008 fram stortingsmelding 35 ”Mål og mening” der det blir lagt eit grunnlag for ein ny strategisk språkpolitikk med eit heilskapleg perspektiv på språk og samfunn. Meldinga blir drøfta i Stortinget i mars 2009. I meldinga er det som eitt av dei prioriterte tiltaka fastsett:

*Regjeringa legg opp til at omsynet til nynorsk alltid skal vurderast eksplisitt når spørsmålet som vedkjem norsk språk, blir tematisert.*

Vi kan ikkje sjå at departementet har gjort dette i ei av dei første meldingane som er lagt fram etter St. Meld. 35. og det ville vi svært gjerne skulle vore gjort. For ikkje å miste tempoet i lovendringa gjer vi framlegg til ei tydeleggjering i lovframlegget:

### ***1. Lovtekst***

Framlegget i høyringsnotatet § 1-5 er:

”Universiteter og høyskoler har ansvar for vedlikehold og vidareutvikling av norsk fagspråk”.

### **Vi gjer framlegg om denne endringa:**

”Universiteter og høyskoler har ansvar for vedlikehold og vidareutvikling av norsk (**bokmål og nynorsk**) fagspråk”.

Vi ser gjerne også at lova får dette tillegget:

**Undervisningsspråket skal til vanleg vere norsk**

## **2. Vurdering**

Vi ber også om at departementet får utarbeidd ei vurdering slik språkmeldinga legg opp til, sjå ovenfor.

## **3. Inntektssystemet for universitetet og høgskolane**

Vi ber om at departementet vurderer inntektssystemet på nytt slik at norskspråkleg publisering blir likestilt med engelskspråkleg publisering og at utarbeiding av læremiddel for universitet og høgskolar blir rekna med i inntektssystemet.

Med vennleg helsing

**Litteraturselskapet Det Norske Samlaget**

Sigve Gramstad  
Styreleiar

Tove Lie  
Sekretær